



**Assertiones Philosophicæ Fusius Deductæ Philosophiæ
Peripateticæ communioris Epitomen exhibentes**

Leuren, Peter

Coloniae Agrippinae, 1681

civ [i.e. vi]. Sola agentia intellectualia agunt propriè propter finem.

[urn:nbn:de:hbz:466:1-71607](https://nbn-resolving.de/urn:nbn:de:hbz:466:1-71607)

VI. Sola agentia creata intellectualia, id est, homines ratione utentes & Angeli, Deus item operando ad extra, propriè agunt propter finem; hi enim discernunt inter media & finem, cognoscendo proportionem mediorum ad finem & contra. Deus tamen operando ad intra V. G. producendo Filium, amando seipsum, non agit propter finem; hi enim actus, utpote ens à se ipseque Deus, non sunt effectus; dum ergo Deus dicitur amare se propter se, intelligitur id negativè, nempe quod non amet se propter aliud. Similiter et si non detur causalitas finis respectu voluntatis divinæ, datur tamen respectu effectuum ab hac volitione Dei productorum. Porro nequæ inanimata agunt propter finem ab ipsis præcognitum & intentum, sed potius aguntur in finem à Deo intentum & præcognitum. Nequæ bruta aut infantes & amantes, et si instinctu quodam naturæ appetant & applicent quandoquæ media reuelata utilia & proportionata ad rem, quampliam obtinendam, imò licet id faciant ex confusa aliqua apprehensione vel imaginatione (cujus species non hauriunt per sensus, aut sibi efforment, sed ab auctore naturæ ad propagacionem

nem

nem generis & vitæ infusas accipiunt) utilitatis , non agunt tamen formaliter , sed tantum materialiter propter finem ; quia non referunt ea in ordine ad talem finem , nec cognoscunt illa tanquam media proportionata ad talem finem.

VII. Causa EXEMPLARIS est forma in mente , quā effectus imitatur ex intentione agentis determinantis sibi finem : id est , est cognitio intrinseca intellectui operantis repræsentans eidem opus faciendum & modum operis faciendi , sive proximè dirigens operantem , ut producat effectum talem , qualem haec cognitio repræsentavit & sibi producendum proposuit artifex ; si enim casu & merè naturaliter absq; intentione procedat effectus , non censeretur habere causam idealem ; unde etiam agentia merè naturaliter dicuntur operari secundūm formam , quam habent in seip̄is purè naturaliter & physicè ; agentia verò artificialia quā talia operari juxta formam , quam habet in se intelligibiliter , seu in mente . In quantūm hæc causa reddit artificem potentem operari , integratq; cum aliis concausis causam efficientem , ad eandem reduci potest ; reduci potest ad causam formam .